



Concello do Carballiño

CONVENIO DE COLABORACIÓN ENTRE O CONCELLO DO CARBALLIÑO E A ENTIDADE ASOCIACIÓN DE EMPRESARIOS DA ÁREA INDUSTRIAL DO CARBALLIÑO (AICA) PARA ESTABLECER AS CONDICIÓNS E COMPROMISOS APLICABLES Á SUBVENCIÓN PREVISTA CON CARÁCTER NOMINATIVO NO ORZAMENTO MUNICIPAL PARA O EXERCICIO 2024.

No Carballiño, na data da sinatura dixital.

REUNIDOS

Dunha parte **don Francisco José Fumega Piñeiro**, Alcalde - Presidente do Concello do Carballiño (Ourense) exceptuado de sinalar as súas circunstancias persoais por razón do cargo que ocupa, actuando en nome e representación do mesmo.

E doutra, don **MANUEL CARBALLEDA RAMOS**, en representación da entidade **ASOCIACIÓN DE EMPRESARIOS DA ÁREA INDUSTRIAL DO CARBALLIÑO**, con **CIF G32245367** actuando en nome e representación desta.

MANIFESTAN

I. Que a **ASOCIACIÓN DE EMPRESARIOS DA ÁREA INDUSTRIAL DO CARBALLIÑO** ten como principal obxectivo a organización empresarial de carácter multisectorial que exercerá fundamentalmente as súas actividades no ámbito territorial da bisbarra do Carballiño, para:

- Favorecer o desenvolvemento dos proxectos empresariais concretos dos nosos asociados, así como captar, impulsar, e avalar as vocacións e iniciativas empresariais entre os moz@s e emprendedores.
- Fomentar a cultura empresarial a través de escolas, foros universitarios e centro de formación profesional, facilitando ás persoas con vocación empresarial o proceso de constitución da súa empresa.
- Promover o autoemprego como opción de emprego e divulgación das súas connotacións.
- Fomentar a prevención de riscos laborais entre as empresas e os traballadores/ás da bisbarra do Carballiño.
- Promover o coñecemento de mercados e a internacionalización das empresas mediante misións comerciais, visitas empresariais e congresos.
- Favorecer unha maior participación na vida empresarial das mulleres e colectivos desfavorecidos.
- Apoiar o desenvolvemento do ámbito socio-económico, promovendo a implantación das tecnoloxías da información, a investigación e a comunicación, así como a innovación.

II. Que o concello considera que o labor que realiza a dita asociación constitúe unha manifestación de interese xeral que cumpre unha función social, tamén de promoción do emprego e da economía local, e en continua colaboración coas actividades municipais.

III. É de interese público, o cal supón unha promoción do emprego e da economía local, a través da organización e das campañas e das actividades.

IV. Que a Lei 7/1985, de 2 de abril, reguladora das bases de réxime local e a Lei 5/1997, de 22 de xullo, da administración local de Galicia, posibilitan nos seus artigos 25 e 80





Concello do Carballiño

respectivamente, as funcións de promoción e estímulo de actividades de interese local, recoñecendo as mesmas como competencias propias dos concellos.

V. As axudas económicas e as subvencións forman parte da actividade de fomento da que a Administración Local pode facer uso co fin de promover e apoiar actividades de interese público que contribúan á satisfacción de necesidades ou intereses propios da comunidade veciñal local. É en definitiva, unha medida de carácter económico tendente a que sexa a propia cidadanía da comunidade local, de xeito individual ou asociado, a que libremente colabore co cumprimento de fins colectivos convenientes ou desexables e non dispoñan de recursos suficientes para levar a cabo a actividade de que se trate.

VI. Que nas Bases de execución do orzamento para o **exercicio 2024** consta a seguinte subvención nominativa:

Aplicación orzamentaria	Entidade beneficiaria	Importe
431.40.480.01	ASOCIACIÓN DE EMPRESARIOS DA ÁREA INDUSTRIAL DO CARBALLIÑO	10.000,00 €

VII. Que a Lei 38/2003, de 17 de novembro, xeral de subvencións (LXS), dispón no seu artigo 22.2 que poderán concederse de **FORMA DIRECTA** as Subvencións previstas nominativamente nos Orzamentos Xerais do Estado, das Comunidades Autónomas ou das Entidades Locais, nos termos recollidos nos CONVENIOS e na normativa reguladora destas Subvencións, e no artigo 28, establece que os convenios serán o instrumento habitual para canalizar estas SUBVENCIÓNS.

VIII. Que o RD. 887/2006, de 21 de xullo, polo que se aproba o regulamento da lei xeral de subvencións, no seu artigo 66, prevé que nestes supostos o acto de concesión ou convenio terán o carácter de bases reguladoras da concesión para os efectos do establecido na LXS, e determina o contido do mesmo.

Así pois, de conformidade co establecido nas citadas disposicións, ambas as partes acordan subscribir o presente **CONVENIO DE COLABORACIÓN**, o cal se rexerá polas seguintes:

CLÁUSULAS

1. Obxecto do convenio.

O presente convenio formalízase co obxecto de sufragar, en parte, os gastos derivados da **"Apoio á ampliación do Parque Empresarial. Mantemento e limpeza do Parque Empresarial. Gastos de funcionamento da asociación"** para 2024.

2. Contía e crédito orzamentario.

A contía da subvención ascende a 5.000 euros (**cinco mil euros**) que é a metade do importe total do crédito orzamentario autorizado. O devandito crédito é un crédito do capítulo 4 "Transferencias correntes" do "subprograma 431.40", polo que non poderán aplicarse os fondos a gastos de distinta natureza e finalidade á que é propia dos gastos imputables ao devandito crédito.





Concello do Carballiño

Dita contía total (100%) da subvención outorgada impútase o *exercicio económico 2024*.

A contía da subvención consistirá nunha porcentaxe do orzamento do proxecto presentado, e pode acadar, como máximo, o 90% do custo total do proxecto, sen superar os 10.000 € de crédito orzamentario.

3. Período subvencionable

Este acordo contempla a execución de actividades durante o período comprendido dende o 1 de xaneiro de 2024 e o 30 de novembro de 2024.

4. Compatibilidade con outras subvencións.

A subvención será compatible con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, sen prexuízo do que puidese establecer a normativa reguladora das devanditas subvencións ou axudas, sempre e cando o importe da subvención concedida non sexa en ningún caso de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

En ningún caso será compatible con outras subvencións de concorrencia competitiva do Concello do Carballiño.

5. Obrigas xerais da entidade/asociación beneficiaria.

A entidade beneficiaria comprométese a:

- A. Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
- B. Xustificar ante o órgano que concede a subvención o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce de dita subvención.
- C. Someterse ás actuacións de comprobación, a efectuar polo órgano que concede a subvención, así como a calquera outra de comprobación e control financeiro que poidan realizar os órganos de control competentes, tanto nacionais como comunitarios, achegando canta información lle sexa requirida no exercicio das actuacións anteriores.
- D. Comunicar ao órgano que concede a subvención ou á entidade colaboradora a obtención doutras subvencións, axudas, ingresos ou recursos que financien as actividades subvencionadas.

Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

- E. Acreditar con anterioridade a ditarse a proposta de resolución de concesión que se atopa ao corrente no cumprimento das súas obrigacións tributarias e fronte á Seguridade Social, na forma que se determine regulamentariamente. Se a contía da axuda é inferior a 3.000 € poderase acreditar coa presentación dunha declaración responsable.

O concello comprobará de oficio que a asociación non ten débedas pendentes coa facenda local.





Concello do Carballiño

- F. Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cuantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.
- G. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- H. Manter coordinación permanente coa Área de Industria do Concello do Carballiño.
- I. Se sé realizasen actividades de difusión do proxecto, en calquera soporte, deberá deixarse constancia da existencia de financiamento do Concello do Carballiño, quedando exentos en caso de que a actividade se realizase con data anterior a sinatura do convenio. A non xustificación da publicidade suporá unha minoración da subvención do 5% da axuda concedida.

Así mesmo a entidade responsabilízase de:

- Realizar as actividades que fundamentan o presente convenio.
- Contar cos medios persoais e materiais adecuados para o cumprimento dos fins citados.
- Velar polo cumprimento dos dereitos e obrigas que as leis lles confiran ós beneficiarios do proxecto, debendo realizar unha evolución do proxecto e da actividade.

6. Gastos subvencionables.

a) Consideraranse gastos subvencionables aqueles que sen dúbida respondan á natureza das actividades subvencionadas e se realicen no prazo establecido no presente convenio.

En ningún caso o custo de adquisición dos gastos subvencionables poderá ser superior ao valor de mercado.

Á vista da documentación aportada polo beneficiario, o **importe do gasto subvencionable ascende a 11.500,00 €**. Dado que a subvención outorgada elévase a, como máximo, 5.000,00 €, esta **representa un 43,47 % dos gastos** do proxecto presentado. O proxecto presentado centrase nos gastos de funcionamento de AICA polo que soamente se lle pode conceder o 50 % do importe presupostado ao non preverse gastos pra promover o **apoio á ampliación do Parque Empresarial e o mantemento e limpeza do Parque Empresarial.**

Se os gastos subvencionados xustificados correctamente son inferiores aos da documentación aportada minorarase a achega municipal na proporción fixada neste parágrafo.

b) O tipo de gasto subvencionable: gastos correntes con duración inferior a un ano derivados da actividade relacionada co obxecto detallado na cláusula 1ª, mais concretamente:

- gastos do persoal contratado para a actividade (nóminas e seguros sociais).
- gastos de imprenta, publicidade e material de oficina.
- Gastos produtos e materias para limpeza.





Concello do Carballiño

En relación aos gastos financeiros, tributos e demais impostos, estarase ao disposto nos art. 31.7 e 31.8 da Lei 38/2003, de 17 de novembro, xeral de subvencións.

NON SERÁN SUBVENCIONABLES os gastos de comisións por transferencias bancarias.

Considerarase gasto realizado o que foi efectivamente pagado entre o **1 de xaneiro de 2024 e ata data de finalización do período de xustificación determinado no presente convenio na cláusula 7.d)**, a excepción de que a entidade se acolla ao recollido na cláusula 7 b) parágrafo 2º do punto 5.

7. Xustificación da subvención.

De acordo co artigo 30 da LXS, a rendición da conta xustificativa constitúe un acto obrigatorio que deberá comprender:

a) Instancia subscrita polo Presidente da entidade na que solicite o pago da subvención outorgada.

b) Presentación da conta xustificativa, que comprenderá:

- Memoria detallada que inclúa declaración da actividade realizada, financiada coa subvención e o seu custo e os resultados obtidos.

- Relación numerada e desagregada de cada un dos gastos realizados con motivo da actividade subvencionada, e con identificación do acredor, número de documento, concepto, importe e data de emisión.

- Presentación de facturas ou demais documentos de valor probatorio equivalentes, con validez no tráfico mercantil ou laboral (nóminas, recibos de liquidación TGSS, cartas de pago, etc.). Así como os documentos bancarios nos que quede identificado o pagador e o beneficiario, o importe e a data de pagamento realizado dentro do prazo de xustificación recollido na cláusula 7.d).

So se admitirán pagos en metálico conforme ao que dispoñen as Bases de execución do orzamento do Concello do Carballiño en vigor que se reproducen literalmente: *“Os beneficiarios das subvencións deben utilizar, con carácter xeral, formas de pago a terceiros que poidan acreditarse mediante un documento expedido por entidade financeira no que quede identificado o beneficiario, o importe e a data de pago (cartóns bancarios de crédito ou débito, talóns nominativos, transferencias bancarias, cheques, etc.), e só excepcionalmente poderán utilizar o pago en metálico en cuxo gasto no documento deberá constar o selo de pagado, selo do provedor debidamente asinado, con nome, apelidos e DNI da persoa que recibe o pagamento. En ningún caso os pagos en metálico poden exceder de 300 € por cada provedor e de 1.000 € en cómputo global da subvención outorgada.”*

No caso de que a entidade beneficiaria non dispoña de recursos económicos suficientes para realizar os pagamentos necesarios antes do vencemento do prazo de xustificación, non será preciso acreditar a realización do pagamento na presentación da conta xustificativa, sempre que se presente unha declaración xurada de non dispoñibilidade de liquidez a tal efecto.

Non obstante, e no exercicio das súas facultades de control financeiro, a Intervención municipal poderá realizar procedementos de control financeiro, consistentes en esixir, a partir do mes seguinte ao do pagamento da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario.





Concello do Carballiño

- Declaración xurada do beneficiario que acredite que as facturas que se presentan como xustificantes foron aplicadas á actividade subvencionada.
 - Relación desagregada de todos os ingresos que financian a actividade (fondos propios, subvención concedida e outras subvencións). Tamén deberá acreditarse o seu importe, procedencia e aplicación ás actividades subvencionadas.
 - De ser o caso, un exemplar de toda a documentación impresa xerada pola actividade que acredite a participación do Concello do Carballiño. Se non se acredita a publicidade, procederase a minoración da axuda concedida, polo importe determinado no presente convenio.
 - Certificacións de estar ao corrente das súas obrigas fiscais coa Facenda estatal e autonómica, así como coa Seguridade Social. Se a axuda non supera o importe de 3.000,00 €, segundo o disposto no art. 24.4 do RD 887/2006, polo que se aproba o Regulamento da Lei 38/2003, de 17 de novembro, xeral de subvencións, poderase substituír os certificados por unha declaración responsable do/a representante da entidade. O concello comprobará de oficio que a entidade se atopa ao corrente das súas obrigas tributarias coa facenda local.
- c) Os gastos certificados teñen que ser iguais ou superiores ao importe da subvención concedida. Procedendo a minoración da axuda concedida na porcentaxe especificada na cláusula 6.a), de non ser o caso.
- d) O prazo para presentar a documentación xustificativa rematará o día **31.01.2025**.

8. Forma de pago.

Poderase conceder un anticipo de ata o 75% da subvención, que se fará efectivo despois da aprobación e sinatura do presente convenio e trala presentación da solicitude/instancia subsrita polo presidente da entidade na que solicite o pago do anticipo no número de conta corrente indicada baixo a presentación de certificación bancaria e acreditando estar o corrente coas obrigas tributarias e coa Seguridade Social. O importe restante farase efectivo despois da presentación da correspondente conta xustificativa, segundo o establecido na cláusula 7, e unha vez aprobada esta polo órgano competente do Concello do Carballiño.

En ningún caso poderán imputarse gastos dun exercicio diferente ao subvencionable (exercicio 2024), ou que os gastos non sexan suficientes para xustificar o importe da subvención concedida.

9. Difusión.

As partes comprométense a destacar a colaboración, obxecto do presente convenio, incluíndo os seus logotipos, en cantos medios se utilicen para a súa promoción e difusión (comunicacións, páxinas web, facebook, etc...) así como nas actividades e na documentación que se xere como consecuencia do desenvolvemento desta, respectando, en todo caso, o logotipo e directrices de imaxe externa que se indique pola entidades.

10. Infraccións e sancións

En materia de infraccións e sancións estarase ao disposto no capítulo IX da Ordenanza xeral reguladora das subvencións do Concello do Carballiño (BOP núm. 49, de 2 de marzo de 2015)

11. Entrada en vigor e prazo de vixencia

O presente convenio entrará en vigor unha vez aprobado polo órgano municipal competente e subsrito polas partes, mantendo a súa vixencia durante o exercicio 2024.





Concello do Carballiño

En todo o non contemplado neste convenio estarase ao disposto na LXS e restante normativa de aplicación.

Así o conveñen as partes e en proba de conformidade con canto antecede asinan o presente documento en lugar e data ao principio indicados.

DOCUMENTO ASINADO DIXITALMENTE

